


# 夫思家姐講咗嘅說話

- ✎ Nina Orange
- ✑ Wiehan de Jager
- ♫ dohliam
- 💬 Cantonese
- 🔊 Level 4

(imageless edition)



一日朝頭早，夫思嘅嫲嫲叫佢過嚟就話：  
「夫思，你帶住呢隻雞蛋去你爹哋媽咪囉  
便啦！你家姐行婚禮，佢哋想幫佢做個大  
蛋糕。」

夫思帶住隻雞蛋出發，佢喺路上遇到兩個  
摘緊生果嘅男仔。其中一個男仔搶咗隻雞  
蛋，捉咗去一棵樹度，隻雞蛋就爛咗。

夫思叫咗出嚟：「你搞咩嘢呀？隻雞蛋係擺嚟做蛋糕嘅，仲係俾我家姐喫結婚蛋糕。結婚冇蛋糕，我家姐將會講咩嘢說話呢？」

兩個男仔整蠱完夫思之後覺得好對佢唔住。其中一個男仔就話：「我哋冇辦法幫你做蛋糕，但係我哋呢度有條木棍，可以送俾你姐姐。」噉夫思就帶上咗條木棍，繼續上路。

夫思喺路上又碰到兩個起緊屋嘅工人。其中一個工人就問佢：「我哋可唔可以借你條木棍用一用呀？」但係條木棍唔係好實淨，仲斷埋添。

夫思叫咗出嚟：「你搞咩嘢呀？條木棍係摘生果嘅人送俾我嘅，因為佢哋打爛咗擺嚟做蛋糕嘅雞蛋。嗰個蛋糕係送俾我家姐行婚禮嘅禮物。而家雞蛋又有，蛋糕又有，連禮物都有埋，噃我家姐將會講咩嘢說話呢？」

起屋工人覺得好對唔住夫思，因為佢哋整斷咗佢條木棍。其中一個工人就話：「我哋冇辦法幫你做蛋糕，但我呢度有啲茅草，可以送俾你姐姐。」噉夫思就帶上咗茅草，繼續上路。

喺路上，夫思遇到個農夫同佢隻乳牛。隻乳牛就話：「幾靚嘅茅草吖！我可唔可以試吓？」但係茅草太好味啦，乳牛一啖就全部都食晒啦！

夫思叫咗出嚟：「你搞咩嘢呀？啲茅草係俾我家姐嘅禮物。起屋工人俾咗啲茅草我，係因為佢哋整斷咗摘生果嘅人俾我嘅木棍。摘生果嘅人俾咗條木棍我，又係因為佢哋打爛咗擺嚟做蛋糕嘅雞蛋。個蛋糕係俾我家姐行婚禮嘅禮物。而家雞蛋又有，蛋糕又有，連禮物都有埋，我家姐將會講咩嘢說話呢？」

乳牛好對唔住，因為佢太過自私啦。農夫就決定俾乳牛跟住夫思行，作為送俾佢家姐嘅禮物。噏夫思就帶住隻乳牛，繼續上路啦。

但係，到咗食晚飯嘅時候，隻乳牛走返咗農場，夫思亦都係途中蕩失路。佢好夜先至到家姐嘅婚禮度，嗰陣時啲客都已經喺度食緊飯囉。

夫思叫咗出嚟：「點算好呀？隻乳牛本來係農夫送俾我嘅禮物，因為乳牛食咗起屋工人俾我嘅茅草。起屋工人俾茅草我，係因為佢哋整斷咗摘生果嘅人俾我嘅木棍。摘生果嘅人俾咗條木棍我，係因為佢哋打爛咗擺嚟做蛋糕嘅雞蛋。嗰個蛋糕係俾我家姐行婚禮嘅禮物。而家雞蛋又有，蛋糕又有，連禮物都冇埋。」

夫思嘅家姐諗咗一陣，就話：「夫思，我嘅乖細佬，我唔志在冇冇份禮物。我都唔介意冇個蛋糕。我哋今日聚埋一齊，我就已經好開心啦。你快啲著埋飲衫，同我哋一齊慶祝啦！」於是乎夫思就照做喇。



# Storybooks Canada

[storybookscanada.ca](http://storybookscanada.ca)

夫思家姐講咗嘅說話

Written by: Nina Orange  
Illustrated by: Wiehan de Jager  
Translated by: dohliam

This story originates from the African Storybook ([africanstorybook.org](http://africanstorybook.org)) and is brought to you by Storybooks Canada in an effort to provide children's stories in Canada's many languages.



This work is licensed under a Creative Commons  
[Attribution 3.0 International License](http://creativecommons.org/licenses/by/3.0/).